

Na ročištu za izjašnjenje o krivnji pred Odjelom i za ratne zločine Suda BiH, u predmetu "Srpko Pustivuk", optuženi Srpko Pustivuk izjasnio se da nije kriv, saopćio je ovaj sud.

U optužnici se, između ostalog, navodi da je optuženi Pustivuk, 29. maja 1992. godine ili približno tog datuma, zajedno sa grupom od desetak naoružanih vojnika Prve srpske Ilijaške brigade, došao do porodične kuće u selu Gornja Bioča, općina Ilijaš, gdje je, navodno, zajedno s ostalim vojnicima, pucajući iz pješadijskog naoružanja, usmrtio jednog i teško ranio tri civila.

Kako navodi optužnica, optuženi Pustivuk je 31. maja 1992. godine, zajedno sa pripadnicima Vojske Srpske Republike BiH i milicije, učestvovao u nezakonitom zatvaranju i hapšenju civila Bošnjaka, u Osnovnoj školi u Gornjoj Bioči.

Sud BiH potvrdio je 30. jula 2010. godine optužnicu u predmetu "Srpko Pustivuk", koja Pustivuka tereti za krivično djelo ratni zločin protiv civilnog stanovništva.

Izvor: Dnevni avaz